

山
中
一
夕
話

良言先生編次

蘇守判和尚犯姦

靈異時有僧名了然不遵戒行常宿娼妓率其
奴家往來日久衣鉢爲之一空秀奴屢絕之僧
迷戀不已一夕僧乘醉往秀奴不納因擊秀奴
隨手而斃報官得實具申府司時內朝練子

治郡一見大罵曰。秀奴有此橫爲。送獄院推勘。
見僧臂上刺字云。但願同生極樂國。免教今世
苦相思之句。及見款狀招伏。卽行決斷。舉筆別
成一詞名踏莎行云。這箇禿奴。修行心煞靈。山
頂上持齋戒。一從迷戀玉樓人。鶉衣百結。渾無
柰。毒手傷人。花容粉碎。空空色色。今何在。臂間
刺道苦相思。這回還了相思債。

東坡譏侍姬肉體

東坡嘗飲一豪士家。每出侍姬十餘。皆有美色。
內有一善歌舞者。容顏雖麗而軀幹甚偉。尤豪
所鍾愛者。乞坡詩。公戲爲四句云。舞袖踴躍影
搖千尺龍。叱咤歌喉死轉聲。撼半天風雨寒。撼
赧然不悅而去。

大瓢行歌

東坡在昌化。嘗負大瓢行歌田畝間。有老婦謂
內翰昔日富貴。一場春夢耳。東坡然之。里人呼

此媼爲春夢婆。

遊金山

蘇子瞻與客遊金山。適中秋。天宇四碧無際。加江流傾湧。月色如晝。遂共登金山妙高臺。命歌者袁絢歌其水調歌頭曰。明月幾時有。把酒問青天。歌罷。蘇自起舞。一坐大笑。

東坡捧腹

東坡一日退朝。食罷。捫腹徐行。顧謂侍兒曰。汝

輩且道此中何物。一婢遽曰。都是文章。坡不以爲然。又一婢曰。滿腹都是機械。坡亦未以爲當。至朝雲乃曰。學士一肚皮不合時宜。坡捧腹大笑。

挾妓參禪

大通禪師者。操律高潔。人非齊沐。不敢登堂。東坡一日挾妙妓謁之。大通愠形于色。公乃作南歌子一首。令妙歌之。大通亦爲解頤。公曰。今日

叅破老禪矣。其詞云。師唱誰家曲。宗風嗣阿誰。
借君拍板與門槌。我也逢場作戲。莫相疑。溪女
方偷眼。山僧莫貶眉。却愁彌勒下生遲。不見老
婆三五少年時。

笑王祈竹詩

王祈有竹詩兩句。最爲得意。爲蘇東坡誦之曰。
葉垂千口劍。幹聳萬條鎗。蘇笑曰。好則好矣。只
是十條竹竿。一個葉兒也。

東坡嘲司馬之歛

司馬文正公薨。時程正叔以臆說歛之。正如封角狀。蘇東坡嫉其怪妄。因怒詆曰。此豈信物一角。附上閻羅大王者耶。

子瞻喜談諧談詼

蘇子瞻在黃州及嶺外。每旦起。不招客與語。必出訪客。所與遊亦不盡擇。各隨其人高下。談諧放蕩。不復爲咍哇。有不能談者。則彊之使說。則

或辭無有則曰姑妄言之。

謝表寓諷

蘇東坡遷黃岡。京師盛傳白日仙去。神宗聞之。嘆息久之。後東坡謝表有云。疾病連年。人皆相傳其已死。饑寒併日。臣亦自厭其餘生。

安常相對

龐安常善醫而聵。與人語。須書始能曉。蘇東坡笑曰。吾與安常相對。皆成異人。蓋吾以手爲口。

安常以眼爲耳。非異人乎。

佛印爲僧

佛印禪師法名了元。饒州人。未爲僧日。乃儒家流。書無不讀。滑稽應對。當時無出其右者。與東坡厚善。會飲必相諧謔。在朱神廟朝。因禱旱。乃詔在京各僧入內。修設道場。演經說法。東坡乃戲謂佛印曰。君素喜釋教。竊聞詔僧供奉。盍不冒侍者之名。入觀盛事。佛印信之。旣入。上適見

之狀貌魁偉遂賜披剃佛印不得已而順受實
非本意亦頗銜恨後東坡宴而戲之曰向嘗與
公談及昔人詩云時聞啄木鳥疑是叩門僧又
云鳥宿池邊樹僧敲月下門未嘗不嘆息前輩
以僧對鳥不無薄僧之意豈謂今日師親犯之
佛印曰所以老僧今日得對學士東坡愈喜其
辨捷。

酒令相嘲

東坡與佛印同飲佛印曰。敢出一令。望納之。命曰。不慳不富。不富不慳。轉慳轉富。轉富轉慳。慳則富。富則慳。東坡見有譏諷。卽荅曰。不毒不禿。不禿不毒。轉毒轉禿。禿轉毒。毒則禿。禿則毒。

戲澗中取蚌

東坡一日携宅眷遊西湖。因往靈隱。適見佛印臨澗掬水。怡然忘機。坡詰之。荅曰。聞此中有花秋小蚌。可燬。欲得數枚。置之盆池間。以供清齋。

猶恨未復坡戲之曰佛印水邊尋蚌喫佛印應
聲荅云子瞻船上帶家來蚌與家二字借意也坡頗恨之
各分散而去

題僧詩軸

佛印令一僧每于東坡前言詩公甚鄙之一日
僧乃携詩軸求公爲序正所謂持布鼓過雷門
也公戲題之曰大杜下有小杜小杜下翹然傑
出者非吾師而誰大杜者杜甫也小杜者乃杜

牧之也。牧之工詩。時人謂之小杜。杜字與肚同音。公以此譏之。不知狀詩。僧爲何物耶。

題像

東坡一日爲佛印題真。贊云。佛相佛相。把來倒掛。只好搗醬。別一日佛印却與東坡題云。蘇鬚。蘇鬚比上不足。比下有餘。蓋以子瞻乃薄薄鬚也。

聯松詩

東坡過天竺謁佛印。款語間。因言牕前兩松。昨
爲風折其一。悵恨成一聯。竟未得續其後。舉以
示坡云。龍枝已逐風雷變。滅却虛牕半。日涼坡
續云。天愛禪心圓似月。故添明月伴清光。佛印
喜而歌。嘆服不已也。

遊藏春塢

東坡居西山。探徐都尉於所居之處。面山闢一
花園。廣植奇花異果。名曰藏春塢。時值方春。名

花競秀。盛稱一時。東坡同佛印相訪之。值徐都尉出外。兩人不遇。洞門鎖鑰。無得啟扇。俱各悵然。見樓頭有一女子美貌。凭欄凝望。東坡遂索筆題一首于門上。詩曰。我來亭館寂寥寥。鎮鎮朱扉不敢敲。一點好春藏不得。樓頭半露杏花梢。佛印借東坡韻又題一首云。門掩青春春自饒。未容取次老僧敲。輸他蜂蝶無情物。相逐偷香過柳梢。各人題訖回去。忽日徐都尉回。見所

題詩在門。明日乃約二人再來。久而不至。因用
前韻自作一首云。藏春日。日春如許。門掩應防
俗客敲。淮凝欸爲花下飲。莫教明月。上花梢。須
臾間。佛印東坡又至。徐都尉又出去。家姬女侍
宴。遍賞紅紫。真勝集也。酒各半酣。坡卽席間贈
一詞與姬女。詞名帶人嬌。○滿院桃花盡。是劉
郎未見。千中更一枝纖軟。仙家日日。笑人間春
晚。濃醉起。驚落亂紅千片。密意難窺。羞容易見。

平白地爲伊腸斷。問君終日怎安排。心眼真信
道司空自來見慣。徐都尉既歸見卽和坡詩付
姬歌。此以勸坡大醉而夫徐詞云○小死藏春
信道遊人未見。花臉嫩柳腰嬌軟。停觴緩引正
夕陽將晚。鶯誤入蹴損海棠花片。只悵春心當
時露見。小樓外曾勞目斷。燈前料想也饒心飽
眼。從此去縈心有人可慣。

聯句嘲僧

東坡與子由佛印同飲於水閣。偶見一婦人洗
衣脚白。東坡曰。玉筍插銀河。佛印云。紅裙離碧
波。子由大笑。咏後二句云。再行三五步。浸人老
僧。集。

辨風

東坡一日與秦少游夜宴。忽得身上虱。爲少游
曰。此垢膩生成。少游曰。不是綿絮毛污成矣。相
辨久而不決。東坡曰。明日同問佛印。若輸。作一

宴席酒散。少游私去。佛印處謂佛印曰。適與東坡辨虱。來歷坡說垢膩。我說綿絮毛汚生成。他來問。只說我的真。當作飢飢會爲席。少游密揭去。旋坡至。爲佛印曰。前與少游辨虱來歷。我說垢膩生。他說綿絮生。等他來。只說我是當作冷淘會爲席。言訖。兩下到詰辨。印曰。易曉耳。是垢膩成身。綿絮爲脚。先吃冷淘。後吃飢飢。衆大笑。

忙令

東坡佛印黃魯直三人飲酒。至數盃。佛印去。小
遺坡曰。那去。印曰。忙片詩卽至。及來。坐行一忙。
令坡曰。我有百畝田。全無一葉秧。夏已相將生。
問君忙不忙。黃魯直曰。我有百筐蠶。全無一葉
桑。春已相將半。問君忙不忙。佛印曰。和尚養婆
娘。相率正上床。夫主門外立。問君忙不忙。

兩意對

東坡之妹少游之妻也。一日妹歸集宴。因食鰾

栗妹謂坡曰。栗破鳳凰。

見借意言內中黃見

坡思天下

未嘗無對。數日竟未能佛印來訪問。坡有何着

述。坡曰。欲作一對未能也。因舉前事。佛印應聲

曰。何不言藕斷鴛鴦飛。

言藕斷節出絲飛也

佛印復曰。正

如無山得似巫山聳。此亦同音兩意。坡即對曰。

何葉能如荷葉圓。子由曰。不若云。何水能如河

水清。以水對山。最爲的對。

佳對

東坡與子由夜雨對床。子由曰：「嘗聞術者云：課賣六爻，內卦三爻，外卦三爻，思之亦未易對。一日同出，坡見戲場有以捧呈戲者，云：「捧長八尺，隨身四尺，離身四尺。」坡曰：「此語正可還前日枕上之對。」子由曰：「觸機而發，誠佳對也。」

千字文謎

佛印持二百五十錢示東坡曰：「與你商此一個謎。」東坡思之少頃，謂佛印曰：「一錢有四字，二百」

五十個錢乃一千個字。莫是千字文謎乎。佛印笑而不荅。

月素撞席

東坡謫官黃州。一日佛印來訪。居佛印于雪堂而寢食焉。官妓月素者。坡嘗喜其吟詩。凡會席必命至焉。坡方宴佛印。月素適從外來。坡問汝來何爲。對曰。適過門聞宴客。敢來求一盆酒。坡曰。汝來掇坐。我作一令。汝能還之。令汝與坐。環

一物不喚自來。下用兩句詩。坡出令曰。酒旣清。
殺又罄。不喚自來。是青蠅。詩云。不識人嫌生處。
惡。撞來筵上。敢管管。佛印卽還令曰。夜向晚。睡
思濃。不喚自來。是蚊蟲。詩云。吃人嘴。臉生來。慣
枵腹。貪圖一飲充。月素曰。只將自身還令得否。
坡曰。人亦天地間一物。爾何害。乃還令曰。綺筵
張。日將暮。不喚自來。是月素。詩云。紅裙一醉。又
何妨。未飲便論文。與字。東坡大喜。其以已自喻。

因命入坐同飲焉。

取笑行者

東坡與佛印最厚。一日去訪佛印。語言投合。不覺坐久。東坡倉皇登廁。有一行者會意。便隨後送些茅紙與之。東坡喜其會事。次日以本度牒捨與披剃。一寺僧行駭然。纔知其因送茅紙之有功也。後東坡又訪佛印。因而再至廁所。衆行者喧鬧廁中。各將茅紙進前。東坡在廁所聞外

面嚙雜作聲。遂問其故。左右以實對。東坡笑曰。行者們自去。腹上增修。以福字代腹字。不可專靠那屎處。

四物令

東坡與佛印同飲。要行一令。卽一處有四物。或潔淨。或醜陋。不許差韻。東坡曰。美妓房。象牙床。以紫蓋口合香佛印曰。推猪水。癩瘡腿。婦人陰。鬍子鬚。

鳩鵲對

東坡與佛印同飲。偶一班鳩在上啼。坡出對云。班鳩無禮。老僧頭上叫姑姑。佛印荅曰。白乳有情。小姐胸前叮奶奶。

夫人對

佛印訪東坡。偶值出外。蘇夫人臥于紗帳中。佛印出對曰。綠紗帳裡睡佳人。烟籠芍藥。夫人聞之對曰。青草池邊洗和尚。水浸葫蘆。佛印嘆曰。

和尚得對佳人寔出望外。

數目令

東坡山谷佛印同飲坡與谷密約止買肉三片。行一令以困佛印。乃謂印曰。要說數目令能者。方許食肉。坡先言曰。二。八。一。十。六。且吃一塊肉。遂取一片食之。山谷曰。二。九。一。十八。兩片。一齊夾。遂取二片食之。止遺醋一碟。佛印還令曰。貧僧不識數。且吃一碟醋。

東坡戲刺獄官

蘇東坡自元祐初爲獄官。挫未幾。以禮部員外郎召入。偶遇獄官。甚有愧色。東坡戲之曰。有蛇螫殺人。爲冥府所追。議法當死。蛇前訴曰。誠有罪。然亦有功。可以自贖。冥曰。何功也。蛇曰。某有黃可治病。所活已數人矣。遂免。良久。牽一牛至。云。觸殺人亦當死。牛曰。我亦有黃可治病。所活數人矣。亦得免。久之。獄吏牽一人至。曰。此人生

常殺人。今當還命其人。妄言亦有黃。冥官大怒。詰之曰。蛇黃牛黃皆入藥。天下所共知。汝爲人黃。何功之有。其人窘甚曰。某別無黃。但有些慚惶。

六眼龜號

一日東坡謁微仲。微仲力晝寢。久而不出。東坡不能堪。良久見于便坐。有一莖蒲筥。畜綠毛龜。東坡云。此龜易得。若六眼龜則難得。微仲問六

眼龜出何處東坡曰昔唐莊宗同光中林邑國
嘗進六眼龜時伶人敬初磨在殿下進口號曰
不要鬧不要鬧聽取這龜兒口號六隻眼兒分
明睡一覺抵別人三覺

嘲郭祥正詩

郭功甫

諱祥正

過杭州出詩一軸示蘇東坡先自

吟誦聲振左右既罷謂蘇曰祥正此詩幾分蘇
曰十分功甫喜又問之蘇曰七分來是讀二分

來是詩豈不是十分耶。

受屈鼈相公

予瞻云。予一日醉臥。有魚頭鬼身者。自海中來。云廣利王請端明。予披褐黃冠而去。亦不知身入水中。但聞風雷聲。有頃豁然明目。疑入水晶宮。其下顰日夜光。文犀尺璧。南金火齊。不可仰視。間以珊瑚瑪瑙。廣利佩劍冠服而出。從二青衣。予曰。海上逐客。重勞邀命。有頃東華真人東。

溟夫人亦至。出鮫鮪丈餘。命予賦詩。予爲竟進
廣利。諸仙迎看稱妙。獨廣利旁一冠簪者。謂之
鼈相。公進言。蘇軾不謹。祝融字犯王諱。王大怒。
斥出。予退而嘆曰。某到處被鼈相。公所壞。

嘲呂微仲

蘇東坡以呂微仲豐碩。每戲之曰。公真有大臣
體。此坤六二所謂直方大也。及拜相。東坡制其
詞曰。果藝以達。有孔門三子之風。直大而方得。

坤爻六二之動。

調司馬

蘇東坡登禁林。以高才狎侮諸公。卿率有標目。殆遍也。獨于司馬溫公。不敢有所重輕。一日相與共論免役差利害。偶不合。及歸舍。方卸巾弛帶。乃連呼曰。司馬牛。司馬牛。

隱刺荆公

東坡一日會客。坐客舉令。欲以兩卦名證一故。

事一人云。孟嘗門下三千客。大有同人。一人云。光武兵渡滹沱河。旣濟未濟。一人云。劉寬婢羹汚朝衣。家人小過東坡云。牛僧孺父子犯罪。先斬小畜。後斬大畜。蓋指荆公父子也。

嘲貢父惡疾

劉貢父晚年得惡疾。鬚眉墜落。鼻梁斷壞。苦不可言。一日與蘇東坡會飲。蘇引古人一聯相戲曰。大風起兮。眉飛揚安得猛士兮。守鼻梁坐中。

大噤。貢父默然。

于瞻荅元章

蘇子瞻在維揚。一日設客。皆一時名士。米元章亦在坐。酒半。元章忽起立。自贊曰。世人皆以蒲爲顛。願質之于瞻。公笑荅曰。吾從衆。

于瞻還姜至之令

于瞻與姜潛之。字子飲。姜舉令云。坐中各要一物。是藥名。乃指于瞻曰。君藥名也。紫蘇子。于瞻應。

聲曰君亦藥名也君若非半夏定是厚朴眾請其故曰非半夏非厚朴何故姜制之。

謝復宗儒簡

黃魯直戲蘇東坡曰昔王右軍書爲換鵞字近曰韓宗儒得公一帖于殿帥姚麟家換羊肉數斤可名公書爲換羊書矣蘇在翰苑一日以生辰製撰紛冗宗儒繼作簡以圖報來人督索甚急蘇笑曰傳語本官今日斷屠。

搽粉虞候

東坡有歌舞妓數人。每留賓客飲酒。必云有數個搽粉虞候。欲出來祇應也。

贈李琪書

先生在黃日。每有燕集。醉墨淋漓。不惜與人。至於營妓供侍。扇書帶。亦時有之。有李琪者。小慧而頗知書札。坡亦每顧之。始終未嘗獲公之賜。至公移汝郡。將祖行。酒酣。奉觴再拜。取領巾。

乞書。公顧視久之。令琪磨墨。墨濃。取筆大書。東坡七歲黃州。任何事。無言及李琪。卽擲筆袖手。與客笑談。坐客相謂。語似凡易。又不終篇。何也。至將徹。其琪復拜請。坡大笑曰。幾忘出場。繼書云。恰似西川杜工部。海棠雖好。不留詩。一座擊節盡歡而散。

雪詩代謔

東坡云。西南地溫少雪。余及壯年。止一二年見。

之。自退居天國齋堂。山深氣嚴。陰積叢薄。無夕而不雪。每一賞玩。必命諸子賦詩爲樂。旣而襲蹈剽略。不免涉前人餘意。因戲取聲色氣味四字。離爲四章。止四句。以代一日之譔。且知余之好不枉於世俗所爭。而枉於雪也。仍效毆陽公體。不以鹽玉霍驪爲比。不使皓白繁素等字。聲石泉凍合。竹無風。夜色沉沉。萬境空。試向靜中閑側耳。隔牕撩亂撲春虫。已閑來披筆學王恭。

姑射羣仙邂逅逢。只爲肌膚酷相似。達庭無處
覓行蹤。氣半夜欺凌范叔袍。更兼風力助威豪。
地爐火暖猶無柰。怪得山村酒價高。味兒童龜
手握輕明漸碾槍。旗入鼎烹擬欲爲將修水記。
惠山泉冷釀泉清。

戲子厚腹

章子厚與蘇子瞻少爲莫逆交。一日子厚坦腹
而臥。適子瞻自外來。摩其腹以問。子瞻曰。公道。

此中何所有。了。贈。曰。都是謀。及底家事。子厚大笑。

贈魯生句

韓康公絳謝事後。自潁入京。看上元至十六日。私第會從官九人。皆門生故吏。一時名德如傅欽之。胡覓夫。錢穆之。蘇東坡。劉真父。顧子敦。皆在坐。出家妓十餘人侍。繼後有新寵魯生者。舞罷。爲遊蜂所螫。公意不喜。久之呼出。以白團扇。

從東坡乞詩坡書一絕。牕搖細浪魚吹日。手弄
黃花蝶透衣。不覺春風吹酒醒。空教明月伴人
歸。上句記其姓。下句記其事。康公大喜。坡曰。但
恐他姬。斯賴故云耳。

嘲陳季常懼內

陳慥字季常。公弼之子。居於黃州之岐亭。自稱
龍丘先生。又曰方山子。好賓客。喜蓄聲妓。然其
妻柳氏絕克妬。故東坡有詩云。龍丘居士亦可

憐談空說有夜不眠忽聞河東獅子吼在杖落
手心茫然河東獅子指柳氏也坡又嘗醉中與
李常書云一絕乞秀英君想此其妾小字

二相公廟

韓子華王汝兄弟相繼命相未幾持國又拜門
下侍郎甚至筵立之望其家構堂欲榜曰三相
俄持國罷政遂請老東坡聞之曰旣不成三相
堂可只名二相公廟耳

牛醫兒

東坡在黃卽坡之下。種稻爲田五十畝。自牧一牛。一日牛忽病幾死。呼牛醫療之。云不識證狀。王夫人多智多經。涉謂坡曰。此牛發豆斑療法。當以青蒿作粥啖之。如言而効。嘗舉似章子厚。云我自謫居後。便作老農。更無樂事。豈知老妻猶能接黑牡丹也。俗呼牛爲黑牡丹子厚曰。我更欲留君與語。恐人又謂從牛醫兒來。姑且去。遂大笑。

而別

誰則公語

東坡開荆公亭說新成戲曰以竹鞭馬爲驚不知以竹鞭人有何可笑公又問曰鳩字從九從鳥亦有證據乎坡云詩曰鳴鳩在桑其子七兮和爺和娘恰是九個公欣然而聽久之始悟其誰也

胡章子厚

蘇子瞻任鳳翔府節度判官。章子厚爲商令。同
試永興軍進士。劉京父爲帥。皆以國士遇之。二
人相得歡甚。同游南山諸寺。寺有山魃爲祟。客
不敢宿。子厚宿。山魃不敢出。招仙游潭下。臨絕
壁。萬仞。岸甚狹。橫木如橋。子厚推子瞻過潭。書
壁。子瞻不敢過。子厚平步以過。用索繫樹。躡之
上下。神色不動。以漆墨濡筆。大書石壁上曰。章
惇。蘇軾來游。子瞻拊其背曰。子厚必能殺人。

厚曰何也子瞻曰能自拚命者能殺人也子馬大笑

巧荅貢父

劉貢夫觴客子瞻有事欲先起劉調之曰辛早裡且從客子瞻曰奈這事須當歸各以三果一藥爲對

子瞻赴獄調妻

子瞻曰余在湖州坐作詩追赴詔獄妻子不能

送見余出門皆哭。余無以語之。顧妻曰：「子獨不能如楊朴處士妻作一詩送我乎？」老妻不覺失笑。余乃去。

坡字巧對

東坡常舉坡字問荆公曰：「坡字何義？」公曰：「坡者土之皮。」東坡曰：「然則滑者水之骨乎？」荆公默然。

小詩寓謔

東坡在黃州時嘗赴何秀才會。食油果甚酥。因

問主人此名爲何主人對以無名東坡又問爲甚酥坐客皆曰是可以爲名矣又潘長官以東坡不能飲每爲設醴坡笑曰此必錯着水也它日忽思油果作小詩求之云野飲花前百事無。櫻湖唯繫一葫蘆。已傾潘子錯着水。更覓君家爲甚酥。李端叔嘗爲余言東坡云街談市語皆可入詩但要人錯化耳此詩雖一時戲言觀此亦可以知其錯化之功也。

戲迎合宰相

熙寧初有人自常調上書迎合宰相意遂擢御史蘇長公戲之曰有甚意頭求富貴沒些巴鼻便姦邪有甚意頭沒些巴鼻皆俗語也

杭州判投牒

蘇子瞻通判杭州權領郡事新太守將至矣有營妓投牒乞從良子瞻判曰五日京兆判狀不難九尾野狐從良任便又有周妓色藝超絕

一郡之魁聞判亦來投牒欲援例脫籍于瞻惜其去不許判云慕周南之化此意誠可嘉空冀北之羣所請宜不允其敏捷善辭如此

儋耳醉書

東坡在儋耳因試筆嘗自書云吾始至南海環視天水無際悵然傷之曰何時得出此島耶已而思之天地在積水中九州在大瀛海中中國在少海中有生孰不在島者覆盆水於地芥浮

於水蟻浮於芥。茫然不知所濟。少焉水涸。蟻即
徑去。見其類出涕曰。幾不復與子相見。豈知俯
仰之間。有方軌八達之路乎。念此可以一笑。戊
寅九月十二日。與客飲薄酒。小醉。信筆書此。盛
謹。舅美叔。

東坡性不忍事。嘗云。如食中有蠅。吐之乃已。見
美叔每見以此爲言。坡云。某被昭陵擢在賢科。
一時魁舊。往往爲知己。上賜對便殿。有所開陳。

悉蒙嘉納已而章疏屢上雖甚剴切亦終不怒使其不言誰當言者某之所慮不過恐朝廷殺我耳美叔默然坡浩嘆久之曰朝廷若果見殺我微命亦何足惜只是有一事殺了我後好了你遂相與大笑而起

嘲子厚詩

章子厚人言初生時父母欲不舉已納水盆中爲人救止其後朝士頗聞其事蘇子瞻嘗與子

厚詩有方丈仙人出淼茫。高情猶愛水雲鄉之
語。子厚謂其譏已。頗不樂。

刺荆公字說

王荆公在熙寧中。作字說行之天下。東坡在館
一日。因見而及之曰。丞相搜微賁。窮制作。某不
敢知。獨恐每每率附。學者承風。有不勝其繁者。
姑以解麋二字言之。牛之體壯於鹿。鹿之行速
於牛。今積三爲字。而其義皆反之。何也。荆公無

以荅。迄不爲變。竄伐之論。於是浸開。黃岡之貶。蓋不特坐詩禍也。

謹叅寥詩料

子瞻在黃州。叅寥子自錢塘訪之。酒中子瞻令官妓馬娉娉。乞詩於叅寥子。叅寥口占云。多謝尊前窈窕娘。好將幽夢惱襄王。禪心已作粘泥絮。不逐春風上下狂。子瞻喜曰。予嘗見柳絮落泥中。謂可入詩料。不意此老收得。可惜也。

點悟琴操

蘇子瞻守杭日有妓名琴操頗通佛書解言辭。子瞻喜之。一日遊西湖。戲語琴操曰。我作長老。汝試參禪。琴操敬諾。子瞻問曰。何謂湖中景。對曰。落霞與孤鶩齊飛。秋水共長天一色。何謂景中人。對曰。裙拖六幅湘江水。髻挽巫山一段雲。何謂人中意。對曰。隨他楊學士。鬻殺鮑參軍。如此究竟何如。子瞻曰。門前冷落車馬稀。老大嫁

作商人婦。哭擗言下大悟。遂削髮爲尼。

子瞻從樵食肉

黃魯直爲子瞻曰。鳥之將死其鳴也哀。某適到市橋。見生鷄繫足在地。嗚叫不已。得非哀訴於我耶。子瞻曰。某昨日買十鳩。中有四活。卽放之。餘者幸作一盃羹。今日吾家常膳。買魚數斤。以水養之。活者放而救渠命。噫。若烹而悅吾口。雖腥羶之慾。未能盡斷。且一膳從樵耳。魯直曰。吾。

兄從權之說善哉。魯直因作頌曰。我肉衆生肉。
名殊體不殊。元同一種性。只是別形軀。苦惱從
他受。肥甘爲我湏。莫教閻老判。自揣看何如。于
瞻聞斯語。愀然嘆曰。我猶未免食肉。安知不被
閻老之責乎。

蘇小妹相嘲詩

東坡與妹戲言曰。腳音絞踪未出香房內。額頭先
到畫堂前。好個衝頭妹。荅坡云。去年一點相思。

卷之二
三
淚今日方流到。晴邊好個長面。女史亦云東坡
有小妹善詞賦。敏慧多辨。其額廣而如凸。東坡
嘗戲之曰。蓮步未離香閣下。倏妝先露畫屏前。
妹卽應歌曰。欲扣齒牙無覓處。忽聞毛裡有聲。
傳以坡公多鬚髯。遂亦戲答之耳。

劉蘇嘲語

劉貢父滑稽辨捷。世推無對。晚年雖得末疾。乘
機決發。亦不能忍。一日擁爐於惠林僧寮。語東

坡曰。吾之鄰人有一子稍長。使之代掌小解。不
逾歲。誤質盜物。資本耗折殆盡。其子引罪請曰。
某拙於運財。以敗成業。今請從師讀書。勉赴科
舉。其父大喜。擇日具酒肴遣之。既別。且囑之曰。
吾老矣。恃子以爲窮年之養。今子去我而游學。
儻或僥倖。改門換戶。固吾之大幸。然切有一事。
不可不記。或有交友與汝唱和。謔子細看。莫便
和却。賊詩狼狽而歸。蓋譏東坡前逮詔獄王登。

卿周開祖之徒皆以和詩爲累也。貢父語始絕口。東坡卽曰。某聞昔夫子自衛反魯。會有召夫子食者。羣弟子相與語曰。魯吾父母之邦。我曹久從夫子。輒環四方。今幸俱還鄉里。何夫子之出當共尋訪親舊。因閱市肆。舉欣然許之。始過園園未及。縱觀而稠人中望見夫子。巍然而未。惶懼相告。由夏之徒奔踣越逸。無一留者。獨顏子拘謹。不能遽爲闊步。顧市中后塔似可隱蔽。

卽屏伏其旁以俟夫子之過。羣弟子因目之爲
避孔子塔基譏諷。父風疾之劇以報之也。北音

卓吾先生編次

笑笑先生增訂

哈哈道士較閱

楚娘矜姿色悔嫁

開封葛楚娘頗有姿色。矜已擇人。近地議親者不肯與。一日有村夫謀于媒婦曰。聞楚娘有色。能爲我得之。當謝子以千金。媒往詒楚娘。以佳婿求婚。楚娘許之。及嫁。乃一村夫鬚鬢滿面。黧

尋口眉目。噴吮不似人。楚娘心不悅。有風流坐
年。嘲之曰。可惜白米。攪和子。可惜羊肉。伴冬瓜。
忒煞水人。沒些眼。泥中淹鬱一叢花。楚娘聞之。
怨恨求去。其夫請府陳之尹。判曰。夫有出妻之
條。妻無退夫之理。糟糠古不下堂。買臣之妻可
恥。且饒根究私情。二人押回本里。

伴喜私犯張嬋娘

張寅伯家富有女名嬋娘。年十六。買得一妻。

欲

隴嫁名曰伴喜。嬋娘留在房內。令伴窺虎伴喜
所爲補意甚愛重之。或沐浴亦令侍側。伴喜由
是遂啟非心。一夕睡後大目見一青面掩
其身。嬋娘駭畏。亟令就床共睡。久乃玩狎。每以
異事嚇之。一夕共枕。伴喜問曰。小娘子行嫁在
卽羅幃中。事識之否。答曰。女工之外。一無所識。
伴喜曰。也要知些天綱。妾雖女身。二形兼脩。遇
女則男形。遇男則復成女矣。因以實教之。嬋娘

既爲所犯情竇一開不能自已。

花仲胤寄妻情詞

花仲胤爲伊川令久不歸妻寄詞云西風昨夜
穿簾幙。閨院添消索。最是梧桐零落教奴獨自
守空房。淚珠與燈花共落。胤拆簡見伊字作尹
字遂回寄云頓首啓情人即日恭惟問好音接
得綵箋詞一首堪驚奇與音書不志誠不爲伊
川題尹字無心料想伊多不要人妻答曰奴啓

情人勿見罪。附將小書作尹字。情人不解其中
意。共伊間別。幾多時。身邊少個人兒。

徐軍校西妻復舊

軍校徐信。與妻子山市。以憇茶肆。傍一人竊脫
其妻。目不暫釋。信怪問之。其人曰。君妻非某州
縣某姓氏耶。信愕然曰。是也。其人泣曰。是吾妻
也。吾家鄭州。方娶二年。而值金戎之亂。遂成乖
張。豈意今在君室。信亦爲之感。愴曰。信陳州人。

也。亦遭亂失妻。偶至一村店。逢婦人露坐地上。自言爲潰兵所掠。到此不能行。吾乃解衣饋食。遂與之俱。初不知爲故婦。柰何。其人曰。吾已別娶。無由復尋。舊盟得暫會一面。敘述悲苦。雖死不恨。信許之約。明日令偕新妻同至。其人懽拜而去。明日夫婦登信門。信出迎。望見長慟。則客所携乃信妻也。四人相對驚悅。是日各復其故。通家往來如婚姻云。

唐明皇燕助情花

明皇與妃子晝寢水殿。宮嬪爭看雌雄二鵝鵝。戲於水中。帝曰。爾等愛水中鵝鵝。爭如我被底。賀正寵妃子。安祿山進助情花。香滿寢處之際。含香一粒。筋力不倦。帝曰。此漢之謹郵膠也。

山陰王戲褚彥回

宋文帝山陰公主適駙馬都尉何戡。潘恣嘗謂帝曰。妾與陛下。男女雖殊。俱托體先帝。陛下六

宮數百而妾惟駙馬一人太不均帝乃爲置首面左右三十人吏部郎褚彥回貌美公主窺見悅之曰帝召彥回西上閣宿公主夜就之彥回不爲移志公主曰公鬚髯如戟何無丈夫意彥回曰回雖不敏何敢自爲亂階

賈皇后喜洛南吏

晉惠帝賈后荒淫放恣洛南尉部小吏端麗美容止忽有非常衣服衆疑其竊尉嫌而辦之小

史云行逢一姬。說家有疾病者。云宜得城南少
年。厭之。欲暫相煩。卽隨上車內。簾廂中。行可十
餘里。過六七門限。開簾。見樓闕好屋。問此是
何處。荅云是天上。卽以香湯見浴。將入。見一婦
人。年二十五六。短形青黑色。眉後有痣。共寢數
夕。贈此衣物。聽者知是賈后。慙笑而去。時它人
入者皆死。此吏后愛之。得全而出。

梁武獲鵠鴈置膳

梁武帝齊書有其內獲侍兒十餘輩頗娛於目
爲郎后所察動止皆有閹劫帝憤恚始將成疹
左右識其情者進言曰臣嘗讀山海經云以鴈
鷗爲膳可以療其妬陛下去試諸帝從之邪妬
之後如減大半帝愈神其言左右復言曰陛下
廣諸諸以徧賜羣臣使不才者無妬於有才挾
私者不如其奉公濁者不如其清貪者不忌其
廉仰其惡去善勝忌者皆知革心此助化之一

端也。帝深然其言。將詔虞人廣捕之。會方崇內典。誠於血生。其議遂寢。

郭順卿善訓叅政

郭順卿姿態閑雅。襍劇最高。劉時中嘗以金簪玉管。鳳吟鸞鳴。擬其聲韻。平生與王元鼎密。偶疾思得馬板腸王。卽殺所騎駿馬以啗之。阿魯溫叅政屬意之。一日戲曰。我如何王元鼎。郭曰。叅政宰臣也。元鼎文士也。經綸朝政。致君澤民。

則元問不及叅政。朔風弄月。惜玉憐香。則叅政不敢望元問。同魯酒一笑而罷。

劉婆惜巧合監郡

劉婆惜頗通文墨。滑稽歌舞。迥出其流。時貴多重之。時有全普菴。號里字子仁。爲贛州監郡。文章政事。別歷臺省。但未免耽於花酒。公餘。卽與士夫酣歌賦詩。帽上簪喜簪花。一日劉之廣海。過贛謁全公。時賓朋滿座。全帽上簪青梅一枝。

行酒全口占清江引曲云青青子兒枝上結。金
賓朋續之衆未有對者。劉歛衽進前曰能容妾
措辭乎。全曰可。劉應聲曰青青子兒枝上結。引
惹人攀折。其中全子仁就裏滋味別。只爲你酸
留意兒難棄捨。全大稱賞。納爲側室。後兵興。全
死節。劉克守婦道。善終於家。

朱玉辨已不好色

大夫登徒子侍楚襄王。因短朱玉爲人體貌閑

肥口多嫩辭。又性好色。願王勿與出入後宮。王問王曰。體貌閑麗。受於天也。口多嫩辭。受於師也。至於好色。臣無有也。王曰。子不好色。亦有說乎。王曰。天下佳人之肥也。莫若臣東家之子。增一分則太長。減一分則太短。着粉則太白。施朱則太赤。眉如翠羽。肌如白雪。腰如束素。齒如含貝。然此女登牆窺臣三年。至今未許也。登徒子則不然。其妻蓬頭。耳缺唇歷。齒勝行。齔。銻。

又疥。且痔。登徒子悅之。使有五子。王熟察之。誰
爲好色者矣。於是楚王稱善。

崔女怨盧郎年幾

盧家有子弟。年暮而爲校書郎。晚娶崔氏女。崔
有詞翰。結褵之後。微有嫌色。盧因請詩以述懷
爲戲。崔立成曰。不怨檀郎年幾老。不怨檀郎官
職卑。自恨妾身生較晚。不及盧郎年少時。

陳居士暫寄師叔

淮南處士陳貺有詩名。五十方娶。自喜得偶。謂人曰。僕少處山谷。莫預世事。不知木裙之下。有此珍美。未幾。王以幣帛召之。或問處士赴召將行。細君宜置之何地。對曰。暫寄於師叔寺中。或曰。婦人年少。何荅曰。鎖之矣。或曰。其如水火。貺曰。鎖題已付之矣。

史君實贈尼還俗

詩人史君實見一老尼還俗。贈詩曰。脫却羅裙。

著綉裙。仙凡從此路岐分。蛾眉丹靨當時綠。螺髻重梳昔日雲。玉貌緩將鸞鏡照。錦衣更把麝香薰。屏幃乍得輝光寵。更沒心情戀老君。

陳沆嘲道士啗肉

廬山道士體貌魁偉。飲酒啗肉。居九天使廟。一日有鶴。因風所飄。憩於庭。道士大喜。自謂當赴上天命。令山童控而乘之。羽儀清弱。不勝其載。毛傷骨折而斃。次日馴養者知。訴于公府。處士

陳沆嘲之曰。啗肉先生欲上升。黃雲踏破紫雲
崩。龍腰鶴背無多力。傳語麻姑借大鵬。

將氏嘲和尚戒酒

唐湖州叅軍陸蒙妻將氏善屬文。然嗜酒。姊妹
勸節酒。強食。將應之曰。平生偏好飲。勞汝勸我
食。但得尊中滿。將光度不難。僧知業有詩名。一
日訪蒙談玄。將使婢奉酒勸知業。知業曰。受戒
不飲。將氏嘲之曰。祇如上人詩云。接壘橋通何

處路倚欄人是阿誰家。觀此風韻。得不飲乎。業
慚作。遂起而退。

大壯作補闕燈架

異時儒李大壯。畏服小君。萬一不遵號令。則叱
令正坐。爲縮鬚髻。中安燈盞。燃燈火。大壯屏氣
定體如枯木土偶。人譁目之曰。補闕燈檠。又一
日。妻偶病。求烏鴉爲藥。而積雪未消。難以網捕。
妻大怒。欲加捶楚。大壯畏懼。涉泥出郊。用粒食

引致之。僅獲一枚。友人戲之曰。聖人以鳳凰來儀爲瑞。君獲此免禍。可謂黑鳳凰矣。

扈戴被水香勸盞

扈戴畏內特甚。未仕時。欲出則謁假於細君。細君滴水於地。指曰。不乾。須前歸。若去遠。則燃香印。指至某所。以爲還家之驗。因筵聚。方三行。酒戴色欲逃遁。朋友默曉諱曰。扈君恐砌水隱痕。香印過界耳。是當罰也。吾徒人撰新句一聯。勸

請酒一盞。衆以爲善。乃俱起。一人捧甌吟曰。解
裏香三介。能遵水五申。逼戴飲盡。別云。細彈防
事水。短繫戒時香。別云。戰兢思水約。卽卽赴香
期。別云。出佩香三尺。歸防水九章。別云。命繫遂
巡水。時牽決定香。戴連沃六七巨觴。吐嘔淋漓。
旣上馬。羣譟曰。若夫人恠遲。但道被水香。勸盞
留住。

全遊善詞調恢諧

陳全遊乃金陵妓也。高於詞章。多有題咏。俱是
俏語。題睡鞋詞云。新紅睡鞋三寸正。不着地偏
乾淨。燈前換晚妝。被底勾春興。醉人兒幾回輕
薄醒。一日與隣妓何瓊仙者同飲。適見雄雌雞
相交者。仙請咏之。其詞曰。女鸞奔非走獸。風流
事誰不有。只好背地偷情。那許當場弄醜。若是
依律問罪。應該管杖徒流。更加一等強論。殺來
與我下酒。咏妓新浴曰。華清宴罷新浴起。帶濕

裙拖地。單嫌月色明。偷向花陰立。悄東風悄東風。有心兒輕揭起。見一妓就地小遺。咏曰。綠楊深鎖誰家院。佳人急走。行方便。揭起綺羅裙。露出花心現。衝破綠苔痕。滿地真珠濺。那小娘兒不見。牆兒外馬兒上有人見。後爲士夫所聚。生三子俱顯。

陸宅之贈妓爲尼

連枝秀。姓孫氏。京師角妓也。後爲女道士。號綠枝。

遊

湖游間欲於東門外化緣造菴。陸宅之爲造。疏
語多竊譏議。其中有不比尋常鉤子。曾經老大
鉗。拖百煉不回。萬夫難敵之句。孫於是飄然入
吳。遇醫人李恕齋。乃欲尋舊好。遂從俗嫁之。

陳無損題姬再適

會稽馬生以入粟得官。號馬殿幹。有姬美麗善
歌。時出佐客。客有梁縣丞竊爲歆之。馬生知梁
計得焉。他日亦以觴客。陳無損在座。舉杯屬梁

曰昔居殷幹之家爰喪其馬今入縣丞之室無
逝我梁一座大笑

李端端被譽得名

崔崖張祐齊名每題詩倡肆譽之則車馬盈門
毀之則杯盤失錯嘲李端端云黃昏不語不知
行真似烟囪耳似錯愛把薑芽梳掠鬢見齊山
上月初生端遂往見二子乞憐請更之乃更贈
曰覓得黃鶯被繡鞍善和坊裏取端端楊州

日渾成異一朶能行白牡丹。於是賓客競臻其
戶。或曰李家娘子纔出墨池便登雪嶺。何其一
日黑白不均。

謝師厚嘲胥宿妓

元微之貶江陵士曹。少年氣俊。過襄陽。夜召名
妓劇飲。將別作詩云。花枝臨水復臨池。也照清
江也照泥。寄語東風好。擡舉夜來曾有鳳凰棲。
謝師厚作襄陽。聞胥妓與二胥相好。此妓乞書。

扇遂改下句云寄語東風好擡舉。夜來曾有老
鴉棲。

詹蘇諧語

詹侍御史請蘇大行雨。二公五鼓行長安街。將
入朝。呵導聲相近。蘇問前行爲誰。從者曰。道裡
詹爺。卽曰。瞻之在前。詹聞。問後來爲誰。從者曰。
行人司蘇爺。卽回首曰。後來其蘇。詹叔正談。

芝蔴通鑑

吳人韋政者。腹枵然而好談詩書。語常不繼。或嘲之曰。此非出芝蔴通鑑上乎。蓋吳人好以芝蔴點茶市肆鬻者。必裹以紙。一家紙爲零。殘通鑑一人。頻買蔴。積至數張。而其中以其中語掉舌。人問始末。輒窮曰。我家芝蔴通鑑上止此耳。

祝給舍

南吏科祝公石林。嘗爲黃陂博士。有某邑令。心易之而嘔其抗直曰。有一破其題曰。大哉堯之

爲君一節。曰以齊天之大聖。極天下之無狀焉。祝公曰。吾亦有一破。其題曰。不得已而之景丑氏宿焉。曰處無可奈何之地。遇大不相干之人。聞者轟然大快。是年公登第。

河洛人幻術

鄆城有人自河洛來。善幻術。皆可駭愕。婦擊金。忽謂其夫曰。可上天取仙桃。與衆看官吃。始來其夫負有繩一大束。因拋繩。繩直立。天忽開一

門晴霞綯雲閃灼擁簇繩與門接夫緣繩而上
從天宮擲桃下葉猶帶露人人皆徧食之甘美
異人間久之俱聞天上作喧訥聲忽擲其人首
足肢體片段而下鮮血淋漓婦伏地泣曰頻年
作法不逢天怒今日乃爲天狗所食亦是衆官
所使事關人命今但多得錢治官殮可去也衆
皆驚怪膽落且傷且懼醵金兩餘給之婦合肢
體成人形盛以篋篋謂肢體曰可起矣篋篋中

應聲曰。錢足否。曰足。夫忽起。仍負其繩去。衆人無不洒然絕倒。

秦府伶戲

秦王宴藩臬諸司。伶人演戲。以一童子扮貂蟬。一人扮雲長。扮雲長者。故作誤持大鍊刀出。將童子斬訖。身首異處。流血滿地。諸閣撤尸去。王故作怒。諸司大愕。罷酒辭出。王留款笑。令前童平出。童子復出。侑觴。私問童子。汝何復活。曰。此

府中戲術其時去首我昏不知徐加頭頸上以手抹之無痕而我始甦耳一日宴客有侍酒童子盜酒飲醉王覺而怒卽命殺之客爲解王曰汝以箕盛米一斗立高臺上倒身聯翻而下一粒不撒則赦汝童子故求解於客曰客我撒數十粒何如王曰不可於是聯翻下一粒不撒客爲絕倒諸戲劇皆奇怪若是

張妓諧語

吳中妓張好兒。婉麗而貌已。是徐娘。一日爲人
携遊登舟。客杜君者。望見卽謂曰。他老便老也。
是箇小娘。杜本無籍。借太醫籍入貲成吏目。張
卽應聲曰。你小便小也是箇老爺。衆皆鼓掌。朗
哉談。

大倉庫偷兒

大倉庫於萬曆中有偷兒。從水竇中入。竇隘。攢
以首無完膚矣。幸得一大寶。置頂際如前出。至

賣之半不意復有偷兒入俱不能以縮退兩頂相抵槁死而寶在其中久之擁水不流治漬始見但不知兩人抵首時有何知已話

李文達公試餘姚

大學士李文達公光任浙江省督學使微行至餘姚有兩生當門對奕或曰太宗師至尚奕乎兩生曰我何書不讀豈憚試太宗師能作百人名題目試我乎及試餘姚論題因用兵最精策題

曰。孔門七十二賢。賢賢何德。雲臺二十八將。將何功。諸生茫然。齊起跪問。公曰。千字文且不
能記。百人名亦不省。何謂讀書。

王文成公謹語

王文成公封新建伯。戴冕服。有帛蔽耳。方入朝。
某公笑之曰。先生耳冷耶。公曰。我不耳冷。先生
眼熱。

桐城女

安慶桐城縣東門西門各有女中痘死年皆十
餘歲東門之女謁冥司冥司檢簿曰汝祿壽尚
未應死遣之還而尸已焚毀復以告冥司冥司
曰柰何鬼卒謂西門之女尸未毀也冥司檢簿
於西門之女曰是宜死者因令借其尸還魂西
門之女死久復活其家喜過望而女羞阻不知
爲誰惟憶其父母於東門欲往從之東門之家
聞之迎以歸死然故情而非其女兒西門之家

亦不欲棄女也。以訟於邑。曰陵周諫議時爲邑令。判曰。西家女身。東家女魂。二家收養而共女之情。理其安矣。于是二家女之及其于歸。爭治奩具而壻腹兩坦焉。

胡泰母

河間衛千戶胡泰母。死十年。父再娶。弘治己酉。忽夢母曰。我已托生爲雌鵝。毛色黦黃。明日爲屯軍之贄來汝家也。及旦。泰外出。果有屯軍携

鷄來者家欲烹以享軍。鷄作人語曰：「毋烹我，待
泰兒還。」家人以爲怪，俄而泰還。鷄遶泰喃喃敘
其家事甚悉。泰涕泣告父，育之既久，飛啄後妻。
語噤不已。泰出，後妻逐入炕下，撲殺之。豈人鷄
尚相妬乎？

韓清

韓清者，洛陽諸生而抱異術，守趙公喪，妾憂甚。
思得清雅士與談，博未遂也。重門皆閉，忽一士

歷堦而上曰。韓清上謁。公亦耳其名。曰汝從何
來。曰公心欲爲平原。故不佞請爲毛遂。不干典
謁。正發公一笑耳。公大笑。與談博。累日夜憂頓
解。然清之父掾也。竊邑藏金無算。并其母置圜
。清一日來別。且道其事。公曰。可爲公解否。曰
正恐累公可舉。寒而就之乎。遂去。長揖謁其令
朱公。公怒曰。汝籍博士。又父扞文閭。何傲若是
。固知汝術勝。可爲我作術。不然受朴。清呼袖中

一妹子出明媚艷麗絕倫清歌妙舞亦極偏向
令令止之復歸於袖中曰技止此乎清復探襟
內出一龍一虎龍吟甲動虎吼風生勢甚可畏
又偏向令令止之復納入襟內曰技止此乎清
索水授水一盂嚙之平地邑堂成河波流汹湧
拾樹葉作舟浮之而身登焉父母皆在其上回
首揖令曰累公矣而刺舟冉冉人雲莫可極視
而藏金莫可償

感孕

鄞縣民某出賈妻與其姒同處太久不歸見夫兄私心慕之成疾阽危家人知所以且憐之計無所出強伯氏從帷外以手少拊其腹遂有感成孕及產惟一掌焉

陳大司馬謹語

大司馬陳公汝言與太子洗馬劉公定之友善一日謂曰君業洗馬日洗幾馬公曰廐馬皆洗

過獨大司馬洗不得陳公大笑。

不解書意

陸澄南齊人欲撰宋史不成讀易三年不解意義王儉戲云書厨。

性好各別

石林老人會客食雞頭因論古今人嗜好不同及屈到嗜芡曾皙嗜羊棗因言歐文忠嗜鯽魚京師無能所鱸板聖俞有婢獨能之文忠公劉

元甫諸人每提鮮活鯽魚數尾過聖前聖俞得
鱸材亦必儲以速諸人蔡君謨亦每以鮮鯽遺
之至于崔鉉喜看水牛鬪則又可笑也

米芾謝硯

崇寧初召書學博士米芾書大屏芾至顧左右
乞宣取筆硯上指御案間端硯使就用之書成
捧硯跪請曰此硯經賜臣芾濡染不堪復以進
御上大笑賜之芾蹈舞以謝卽抱負趨出餘墨

漬袍袖而喜。兄顏色上頷。蔡京曰。顛名不虛也。京奏曰。弔人品誠高。所謂不可無一不可有二。

元章清賞

元章得一硯。謂周仁熟曰。此非世間物。殆天地秘藏。待我識之。荅曰。公雖名博識。所得之物。真僞居半。特善誇耳。弔起取于筭。周亦索巾滌手。者再作敬觀狀。弔喜出視。周稱賞不已。且云。誠爲尤物。未知發墨何如。命取水未至。亟以唾點。

磨墨帶變色曰公何先恭後倨硯汚矣不可用
爲公贈

槐膠彈子

李少微子女頗多每朝退于亭榭散槐膠彈子
數百枚令諸小兒爭取之以爲戲笑終日不倦
戲已復收于篋

虱念阿房宮賦

楊州蘇隱夜臥聞被下有數人齊念阿房宮賦

聲繁而小。急開被祝之無他物。惟得虱十餘。其大如豆。

翻綽入水

玄宗嘗令左右提翻綽入池水中。復出。曰。向見屈原笑臣。爾遭逢聖明。何亦至此。

副急淚

宋世祖謂劉德願曰。哭貴妃。悲者當厚賞。德願應聲慟哭。撫膺擗踊。涕泗交流。上甚悅。故用。

豫州刺史以賞之。上又令醫術人羊志哭貴妃。志亦嗚咽極悲。他日有問志者曰。卿那得此副急淚。志曰。我爾日自哭亡妾耳。

之才聰辨

徐之才聰辨強識。尤好劇談。常嘲王昕姓云。有言則註。近大則狂。加頸足爲馬。施角尾成羊。盧元明因戲之曰。卿姓未入人名。是字之誤之才。應聲曰。卿姓狂亡爲虐。狂丘爲虛。生男則爲虜。

配馬則爲驢

巧妓齊雅秀

三楊學士當國時。有一妓名齊雅秀。性最巧慧。一日被喚衆謂之曰。汝能使三閣老笑乎。對曰。我一入就令笑也。進見問何以來遲。對曰。在家看些書。問何書。對曰。列女傳。三閣老聞之果大笑。乃戲曰。我道是齊雅秀。乃是臍下臭。蓋因其姓名之聲而譏之。應聲曰。我道是各位老爹。多是

武職原來是文官。以文爲間也。三公曰。毋狗無
禮。又荅曰。我是毋狗。各位老爹是公。侯侯者猴
也。

銀以鼓文趣

常熟桑思玄曾有人求文。託以親昵。無潤筆。思
玄謂曰。平生未嘗白作文。最敗興。你可暫將銀
一錠四五兩置吾前。發興後待作完。仍還汝可
也。唐子畏曾在孫思和家。有一巨本錄記所作。

簿面題二字曰利市。都南濠至不苟取。常有疾以帕裹頭。強起人請其休息者。荅曰。若不如此。則無人來求文字矣。馬懷德言。曾爲人求文字。於祝枝山。問曰。是見精神否。俗以取人髓爲精神。曰。然。又曰。吾不與他計較清物也好。問何清物。則曰。青羊。絨罷。

考功自調

夏考功愈清介而貧。錢學士溥在京時。除夜同

沈粲在夏宅當作一春聯求沈寫之曰座上無
檀且喜身安心內樂方拈思下句夏遽云吾已
得之矣對曰門前有粟誰憐眼飽肚中饑蓋其
家對倉而居故也錢至新正三日送米六十石
犯姦盜牛獲免罪

蘇州月舟和尚犯姦長洲令聞其能詩以鶴爲
題詩曰素身潔白頂圓朱曾伴仙人入太虛昨
夜藕花池畔過覽鶴寬却我偷魚釋之又一婦

以夫盜牛事犯上縣。升詩云。洗面盆爲鏡。梳頭水當油。妾身非織女。夫倒會牽牛。免其罪。

賣骨董對

賣骨董金克和。管求春聯于沈石田翁。遂索紙筆。親書一對云。小門面正對三公之府。大斧頭專打萬石之家。蓋其家對俞尚書士悅住云。

外任京職相謔

外任官與京職官相遇。外任官曰。我愛京官有

牙牌京官曰。我又夢外任有排衙。

郭戴二奇才

江西郭希顏十三歲鄉舉。在場屋作文甚捷。監
場布政見其進卷尚早。呼前出一對云。紙糊屏
風千箇眼對曰。油澆蠟燭一條心。福建戴大賓
十三中鄉舉。十一二時出考科舉。同輩見其少
年。謂曰。小朋友如此年。就要做官。做到何官。答
曰。做閣老。衆戲出一對云。未老思閣老。應聲云。

無才做秀才。聚哄然大笑。知反爲所傷也。

崔來鳳子

翰林崔來鳳子。五歲甚聰慧。善屬對。曾有送桃
棗者。急欲取之。父曰。汝能作此二果破題。則許。
荅曰。有食其內而棄其外者。有食其外而棄其
內者。一日謂父曰。我亦出一破題。指炕爲題。父
故效其體爲之曰。有所以眠乎人者。有所以烘
乎人者。曰。教父親做官哩。眠烘二字。忒俗。我替

你改之作臥字暖字。

輕狂舉子

隆慶五年辛未科。張太岳居正以大學士爲正主考。王荆石錫爵以右中允爲第一房考。荆石得一奇卷。進之太岳。欲薦爲魁。列再三言之。太岳曰。此必輕狂淫蕩之士。當非令器。隨抹兩三行。荆石不獲已。袖而藏之。至填四十名外。又固請。乃填中四十八名。拆出。乃休寧人曹誥也。曹

赴會試行囊不挾書冊。惟携戲雛兒。面頭于一
箱耳。與諸舉子宴寓舍。席間作偈。尸令人擡身。
走數遍。以爲樂。不知有何者堪樂也。其輕狂大
約類此。殊可發一笑。

噴嚏

今人噴嚏。必唾曰。好人說我常安樂。惡人說我
齒牙落。終風之詩云。寤言不寐。願言則嚏。東坡
有詩。白髮蒼顏誰肯記。晚來頻嚏爲何人。隨筆

亦載噴嚏不止者必嚙唾祝云有人說我婦人
尤甚信之嘗聞康玄宗友夢昆李呼寧王爲大
哥每與同食食次寧王錯喉噴上髭王驚慚上
顧欲安之黃翻綽曰不是錯喉上曰何也對曰
是噴帝上大悅則固以噴嚏爲佳事矣

釋稱父母

佛家稱父爲富樓那母爲彌多羅尼

字謎

目字加兩點不作貝字看上有加字下增貝字

欠兩點不作目字看上有欠字又增二木了又

一口不作杏字猜若作用字猜便是呆秀才旁

看丁字又字一
字口字是極字

煮粥詩

煮飯何如煮粥強
好同兒女熟商量
一升可作二升用
兩日堪爲六日糧
有客只須添水火
無錢不必問羹湯
莫言淡薄少滋味
淡薄之中滋味

味長

鐵舍大腹

江陰侯孫名鐵舍者腹大善啖平生未嘗自見其足永樂間至京乞恩太宗命光祿寺茶飯計食六十斤謝恩拜不能起命兩衛士挾之因不得襲蔭後家不給食饘頭又食卿茹俱成糶以充饑

老人十指

朱郭功父有老人十物語。不記近事。記遠事。不能近視。能遠視。哭無淚。笑有淚。夜不睡。日裡睡。不肯坐。只好行。不肯食軟。要食硬。子不惜。惜孫子。大事不管。碎事健問。少飲酒。多飲茶。煖不出。寒卽出。昔人稱爲切中老人之病。